

ვანის მუნიციპალიტეტის საკრებულოს რიგგარეშე

სხდომის ოქმი N19

ქ. ვანი, თავისუფლების ქ. N65

25.12.2019 წ.

ვანის მუნიციპალიტეტის საკრებულოს სხდომას თავმჯდომარეობდა საკრებულოს თავმჯდომარე - ალექსანდრე ლილუაშვილი.

სხდომას ესწრებოდა საკრებულოს 27 წევრი: - ალექსანდრე ლილუაშვილი, გიორგი ივანიაძე, ტარიელ ბარამიძე, გიგა გოგიბერიძე, კობა ტოხვაძე, გელა ვარდოსანიძე, კობა ძაგნიძე, ვლადიმერ ჭვალაძე, დავით ხარძეიშვილი, თამთა დვალიშვილი, თამარ შენგელია, ალექსანდრე ოქროპილაშვილი, ოლეგი მიქელთაძე, გია ხარაბაძე, ივანე კორძაძე, შალვა ლორთქიფანიძე, ამირან ტალახაძე, პაატა ხურციძე, ვარლამ გიორგაძე, თენგიზ დვალიშვილი, გელა ღვიტიძე, სანდრო ხურციძე, შოთა გიორგაძე, მერაბ ხურციძე, დავით ადეიშვილი, გია ოჩხიკიძე, აპოლონ რამიშვილი.

სხდომას საპატიო მიზეზით არ ესწრებოდნენ საკრებულოს წევრები: გელა ჩიკვაიძე, რამაზ არველაძე, ეთერ ჭიჭინაძე, ბიჭიკო პაიკიძე, მალხაზ ცერცვაძე, რობიზონ ფუტკარაძე, დავით კაკაბაძე, თორნიკე ერისთავი. (დანართი N1)

სხდომას ასევე ესწრებოდა:

საკრებულოს აპარატის იურიდიულ და საორგანიზაციო საკითხთა განყოფილების უფროსი - ლუიზა ჯოგლიძე.

საკრებულოს აპარატის იურიდიულ და საორგანიზაციო საკითხთა განყოფილების უფროსის მოადგილე საორგანიზაციო საკითხებში - ლუბა გოგოძე.

მოწვეული პირები:

ვანის მუნიციპალიტეტის მერიის ადმინისტრაციული და შეყიდვების სამსახურის უფროსი - დავით გაბუნია.

ვანის მუნიციპალიტეტის მერიის ჯანმრთელობის დაცვისა და სოციალურ საკითხთა სამსახურის უფროსი - მიხეილ სვანაძე.

სხდომის თავმჯდომარე ალექსანდრე ლილუაშვილი საკრებულოს ღია სხდომას 14⁰⁰საათზე გახსნილად აცხადებს.

სხდომის თავმჯდომარემ სხდომას გააცნო დღის წესრიგის პროექტი:

დღის წესრიგი

1. „ვანის მუნიციპალიტეტის 2019 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2018 წლის 28 დეკემბრის N125 დადგენილებაში ცვლილებების შეტანის თაობაზე;

მომხსენებელი: ივანე მამფორია

2. „ვანის მუნიციპალიტეტის 2020 წლის ბიუჯეტის დამტკიცების შესახებ“

მომხსენებელი: ივანე მამფორია.

3. „ვანის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“

მომხსენებელი: დავით გაბუნია

4. „ვანის მუნიციპალიტეტის საკრებულოს საშტატო ნუსხისა და თანამდებობრივი სარგოების დამტკიცების შესახებ“

მომხსენებელი: ტარიელ ბარამიძე

5. „ვანის მუნიციპალიტეტის 2020 წლის სოციალური პროგრამების დამტკიცების შესახებ“.

მომხსენებელი: მიხეილ სვანაძე

დაადგინეს: დღის წესრიგი მიღებულ იქნა წარმოდგენილი სახით.

მოისმინეს:

დღის წესრიგით წარმოდგენილ პირველ საკითხთან დაკავშირებით, მომხსენებლის ივანენ მამფორიას საპატიო მიზეზით არყოფნის გამო, სიტყვით გამოვიდა საკრებულოს საფინანსო -საბიუჯეტო კომისიის

თავმჯდომარე ტარიელ ბარამიძე და წარმოდგინა დადგენილების პროექტი „ვანის მუნიციპალიტეტის 2019 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2018 წლის 28 დეკემბრის N125 დადგენილებაში ცვლილებების შეტანის თაობაზე;

მომხსენებელმა აღნიშნა, რომ ბიუჯეტში ცვლილების საჭიროება განპირობებულია 2018 წლის 31 დეკემბრის N2577 განკარგულებაში „საქართველოს რეგიონში განსახორციელებელი პროექტების ფონდიდან თანხის გამოყოფის შესახებ“ შეტანილმა ცვლილებამ, რის შედეგადაც მუნიციპალიტეტისათვის გამოყოფილი თანხა შეცირდა 18,7 ლარით. აგრეთვე ბიუჯეტის საკუთარი სახსრებიდან გასაწევ გადასახდელებში განხორციელდება სხვადასხვა ცვლილებები:

- 01 01 „მუნიციპალიტეტის საკრებულო“ - შრომის ანაზღაურების მუხლი მცირდება 4,8 ათასი ლარით, საქონელი და მომსახურების მუხლი იზრდება 4,3 ათასი ლარით, ხოლო სხვა ხარჯის მუხლი იზრდება 0,5 ათასი ლარით.
- 01 02 „მუნიციპალიტეტის მერია“ - შრომის ანაზღაურების მუხლი იზრდება 49,0 ათასი ლარით, საქონელი და მომსახურების მუხლი მცირდება 0,7 ათასი ლარით.
- 03 01 „გზების მშენებლობა, რეკონსტრუქცია და მოვლა - შენახვის“ ასიგნება ტენდერში წარმოშობილი ეკონომიის ხარჯზე- მცირდება 40,8 ათასი ლარით.
- 03 02 04 „გარე განათების რეაბილიტაცია და ექსპლოატაცია“ - საქონელი და მომსახურების მუხლი მცირდება 5,0 ათასი ლარით.
- 04 01 „სკოლამდელი განათლების“ დაფინანსება იზრდება 2, 0 ათასი ლარით.
- 05 01 03 „საფეხბურთო კლუბი სულორი-ვანის“ სუბსიდია იზრდება 2, 0 ათასი ლარით.
- 05 02 03 „სახელოვნებო, განათლებისა და ტურიზმის განვითარების ცენტრი“ -ასიგნება იზრდება 1,0 ათასი ლარით.
- 06 02 სოციალური პროგრამების სოციალური უზრუნველყოფის მუხლი მცირდება ჯამურად 9,9 ათასი ლარით.

წარმოდგენილი პროექტის მიმართ შენიშვნები არ გამოთქმულა.

სხდომის თავმჯდომარემ კენჭი უყარა დადგენილების პროექტს:

მომხრე – 24

წინააღმდეგი –3. (კობა ძაგნიძე, გია ოჩხიკიძე, აპოლონ რამიშვილი)

გადაწყვიტეს: დამტკიცდეს დადგენილება „ვანის მუნიციპალიტეტის 2019 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2018 წლის 28 დეკემბრის N125 დადგენილებაში ცვლილებების შეტანის თაობაზე;

(დადგენილება N 26)

მოისმინეს:

დღის წესრიგით წარმოდგენილ მეორე საკითხთან დაკავშირებით, მომხსენებელმა ტარიელ ბარამიძემ წარმოადგინა დადგენილების პროექტი „ვანის მუნიციპალიტეტის 2020 წლის ბიუჯეტის დამტკიცების შესახებ“.

მომხსენებელმა აღნიშნა, რომ ეს ბიუჯეტი განხილულია ყველა კომისიის და ფრაქციის მიერ, შეტანილია ყველა ის ცვლილებები, რომლებიც წარმოდგენილი იყო თქვენს მიერ და ახლა წარმოგიდგენთ დასამტკიცებლად.

ასევე აღნიშნა, რომ 2020 წლის ბიუჯეტი დამტკიცდა 10311,9 ლარით და სასიხარულოა ის ინფორმაცია, რომ 2 მილიონამდე ღირებულების პროექტები მომავალი წლის უკვე დაფინანსებულია.

წარმოდგენილი პროექტის მიმართ შენიშვნები არ გამოთქმულა.

სხდომის თავმჯდომარემ კენჭი უყარა განკარგულების პროექტს:

მომხრე – 24

წინააღმდეგი –3. (კობა ძაგნიძე, გია ოჩხიკიძე, აპოლონ რამიშვილი)

გადაწყვიტეს: დამტკიცდეს დადგენილება „ვანის მუნიციპალიტეტის 2020 წლის ბიუჯეტის დამტკიცების შესახებ“.

(დადგენილება N 27)

მოისმინეს:

დღის წესრიგით წარმოდგენილ მესამე საკითხთან დაკავშირებით მომხსენებელმა დავით გაბუნიაშვილმა წარმოადგინა დადგენილების პროექტი „ვანის მუნიციპალიტეტის მერიის პოლიტიკურ თანამდებობის პირთა პროფესიულ საჯარო მოხელეთა საშტატო ნუსხის, თამდებობრივი სარგოების ოდენობების დამტკიცებისა და ხელშეკრულებით დასაქმებულ პირთა რაოდენობის და შრომითი ანაზღაურების განსაზღვრის შესახებ“ ვანის მუნიციპალიტეტის საკრებულოს 2017 წლის 28 დეკემბრის N40 დადგენილებაში ცვლილების შეტანის შესახებ“.

მომხსენებელმა აღნიშნა, რომ შევიდა ცვლილება 2017 წლის N 40 დადგენილებაში, მოხდა თანადებობრივ სარგოებში ცვლილება და წარმოადგინა ეს ცვლილებები.

მუნიციპალიტეტის მერი -3380.

მერიის პირველი მოადგილე- 2380.

მერიის მოადგილე -2280.

პირველადი სტრუქტურული ერთეულის ხელმძღვანელი -1650.

მერიის წარმომადგენელი ადმინისტრაციულ ერთეულში -1100.

წარმოდგენილი პროექტის მიმართ შენიშვნები არ გამოთქმულა.

სხდომის თავმჯდომარემ კენჭი უყარა დადგენილების პროექტს:

მომხრე – 24

წინააღმდეგი –3. (კობა ძაგნიძე, გია ოჩხიკიძე, აპოლონ რამიშვილი)

გადაწყვიტეს: დამტკიცდეს დადგენილება „ვანის მუნიციპალიტეტის მერიის პოლიტიკურ თანამდებობის პირთა პროფესიულ საჯარო მოხელეთა საშტატო ნუსხის, თამდებობრივი სარგოების ოდენობების დამტკიცებისა და ხელშეკრულებით დასაქმებულ პირთა რაოდენობის და შრომითი ანაზღაურების განსაზღვრის შესახებ“ ვანის მუნიციპალიტეტის საკრებულოს 2017 წლის 28 დეკემბრის N40 დადგენილებაში ცვლილების შეტანის შესახებ“.

(დადგენილება N28)

მოისმინეს:

დღის წესრიგით წარმდგენილ მეოთხე საკითხთან დაკავშირებით მომხსენებელმა ტარიელ ბარამიძემ წარმოადგინა დადგენილების პროექტი „ვანის მუნიციპალიტეტის საკრებულოს პოლიტიკურ თანამდებობის პირთა და აპარატის პროფესიულ საჯარო მოხელეთა თანამდებობრივ რანგებში განაწილების და თანამდებობრივი სარგოების ოდენობების განსაზღვრის, საკრებულოს აპარატში შრომითი ხელშეკრულებით დასაქმებულ პირთა რაოდენობის და შრომითი ანაზღაურების განსაზღვრისა და საკრებულოს აპარატის საშტატო ნუსხის დამტკიცების თაობაზე“ ვანის მუნიციპალიტეტის საკრებულოს 2017 წლის 28 დეკემბრის N39 დადგენილებაში ცვლილების შეტანის შესახებ.

მომხსენებელმა აღნიშნა, რომ შევიდა ცვლილება 2017 წლის N 39 დადგენილებაში, მოხდა თანამდებობრივ სარგოებში ცვლილება და წარმოადგინა ეს ცვლილებები.

1 საკრებულოს თავმჯდომარე პოლიტიკური თანამდებობის პირი -3380

2 საკრებულოს თავმჯდომარის მოადგილე პოლიტიკური თანამდებობის პირი -2380

3.დაწესებულების პირველადი სტრუქტურული ერთეულის ხელმძღვანელი - აპარატის უფროსი - 1650.

წარმოდგენილი პროექტის მიმართ შენიშვნები არ გამოთქმულა.

სხდომის თავმჯდომარემ კენჭი უყარა დადგენილების პროექტს:

მომხრე – 24

წინააღმდეგი –3. (კობა ძაგნიძე, გია ოჩხიკიძე, აპოლონ რამიშვილი)

გადაწყვიტეს: დამტკიცდეს დადგენილება „ვანის მუნიციპალიტეტის საკრებულოს პოლიტიკურ თანამდებობის პირთა და აპარატის პროფესიულ საჯარო მოხელეთა თანამდებობრივ რანგებში განაწილების და თანამდებობრივი სარგოების ოდენობების განსაზღვრის, საკრებულოს აპარატში შრომითი ხელშეკრულებით დასაქმებულ პირთა რაოდენობის და შრომითი ანაზღაურების განსაზღვრისა და საკრებულოს აპარატის საშტატო ნუსხის დამტკიცების თაობაზე“ ვანის მუნიციპალიტეტის საკრებულოს 2017 წლის 28 დეკემბრის N39 დადგენილებაში ცვლილების შეტანის შესახებ.

(დადგენილება N 29)

მოისმინეს:

დღის წესრიგით წარმოდგენილ მეხუთე საკითხთან დაკავშირებით მომხსენებელმა მიხეილ სვანაძემ წარმოადგინა დადგენილების პროექტი „ვანის მუნიციპალიტეტის 2020 წლის სოციალური პროგრამების დამტკიცების შესახებ“.

მომხსენებელმა მოკლედ აღნიშნა, რომ შევიდა ცვლილები რამდენიმე პროგრამაში და წარმოადგინა ეს ცვლილებები.

2019 წელს მოქმედი 16 პროგრამის ნაცვლად 2020 წლისთვის დამტკიცდა 14 პროგრამა. „საბრძოლო მოქმედებებში დაღუპულთა ოჯახებისა და საბრძოლო მოქმედებების მონაწილე, სოციალურად დაუცველ ვეტერანთა დახმარების პროგრამა“ და „მეორე მსოფლიო ომის, ჩერნობილის ატომური ელექტროსადგურის ავარიის სალიკვიდაციო სამუშაოების მონაწილეებისა და 1989 წლის 9 აპრილს დაზარალებულთა დახმარების პროგრამა“ გაერთიანდა „ვეტერანთა დახმარების პროგრამად“, ხოლო „მკვეთრად გამოხატული შეზღუდული შესაძლებლობის მქონე პირების დახმარების პროგრამა“ და „ჯანმრთელობის პრობლემების მქონე ბავშვების დახმარების პროგრამა“ გაერთიანდა „შშმ პირების დახმარების პროგრამაში“.

„ახალშობილთა ოჯახების დახმარების პროგრამაში“ გასაცემი თანხები დარჩა იგივე, რაც 2019 წელს. პროგრამას დაემატა ერთი პუნქტი

სავალდებულოა ახალშობილი დაბადებიდან არაუგვიანეს მე-10 დღიდან განცხადების შემოტანამდე ან განცხადების შემოტანამდე ბოლო 180 დღის განმავლობაში უწყვეტად იყოს რეგისტრირებული ვანის მუნიციპალიტეტში.

„სამედიცინო დახმარების პროგრამაში“ შევიდა ცვლილება: სავალდებულოა ბენეფიციარი, დახმარების მოთხოვნამდე ბოლო 60 დღის განმავლობაში უწყვეტად იყოს რეგისტრირებული ვანის მუნიციპალიტეტის ტერიტორიაზე. ასევე თუ სამედიცინო დაწესებულებაში ბენეფიციარის მიერ ერთჯერადად გადასახდელი თანხა აღემატება 5000 ლარს, დახმარების ოდენობა განისაზღვრება 1000 ლარს დამატებული 5000 ლარს ზემოთ გადასახდელი თანხის 10 % - ით, არაუმეტეს 2000 ლარისა.

„მზრუნველობამოკლებულთა კვებით უზრუნველყოფის პროგრამის“-ში შევიდა შემდეგი ცვლილება: პროგრამისთვის გამოყოფილი ფინანსური ასიგნებების ფარგლებში, მუნიციპალიტეტის მერის გადაწყვეტილებით, სადღესასწაულო დღეებში შესაძლებელია ბენეფიციარებზე ან სოციალურად დაუცველ, განსაკუთრებული საჭიროების მქონე სხვა პირებზე საჩუქრად გაიცეს საკვები პროდუქტები.

წარმოდგენილი პროექტის მიმართ შენიშვნები არ გამოთქმულა.

სხდომის თავმჯდომარემ კენჭი უყარა დადგენილების პროექტს:

მომხრე – 27

წინააღმდეგი – არცერთი.

გადაწყვიტეს: დამტკიცდეს დადგენილება „ვანის მუნიციპალიტეტის 2020 წლის სოციალური პროგრამების დამტკიცების შესახებ“.

(დადგენილება N30)

საკითხების ამოწურვის შემდეგ საკრებულოს რიგგარეშე სხდომამ მუშაობა დაამთავრა.

ალექსანდრე ლილუაშვილი
ვანის მუნიციპალიტეტის საკრებულოს
სხდომის თავმჯდომარე

